

程

錢塘江

浙江潮

西湖

受宜堂宦遊筆記卷十九

納蘭常安履坦著

男珉全校

琇

浙江一

浙江形勢

浙江聯山負海。北接江淮。南控閩粵。廣袤五千餘里。為東南之巨屏。春秋時屬吳越。戰國屬楚。秦與西漢屬會稽。至東漢。山陰縣人陰重獻策。請分置兩浙。詔

從錢塘江中分東為會稽西為吳郡兩浙之名所由始也考周禮職方氏東南曰揚州其山鎮曰會稽藪曰具區川曰三江浸曰五湖故國語曰吳之與越三江環之而越絕書亦載吳越為隣同俗并土西州大江東絕於海兩邦同城相亞門戶其疆域東至於句甬西至於樵李南至於姑末北至於平原見吳越春秋所載史記貨殖傳稱浙江南則越東有海鹽之饒章山之銅三江五湖之利左思賦亦云江湖嶮陂物產殷充宋蘇軾表忠碑謂吳越地方千里帶甲十萬

聖朝

鑄山煮海象犀珠玉之富甲於天下而歐陽元記復言浙江供給當天下之半之數說者可以綜浙江山川之雄勢土地之沃饒民物之殷繁矣大要浙在三代以前為荒陬而在漢魏以後則為沃壤風氣關於東晉六朝而人文甲第盛於南宋今自天目其流輓輸列

天庾

之正供黨州庠序如林郊廟壇壝交錯洵九州之上腴宇宙之勝境也又以瀕海重地東西水陸置軍設

將駢次雲屯。蓋控制之嚴。備禦之密。比前代尤加意云。

杭州形勢

杭州環山阻海。負谷襟江。為吳越之上游。據東南之都會。省城周袤四十里。城中吳山導自天目。其脈介於大江而止。昔人所謂天目山前兩乳長龍飛鳳舞。到錢塘者也。南則富陽險控長江。東則海寧俯臨滄溟。嚴關有餘杭之獨松。稱雄深邃。有新城之七城。交織若於潛。若昌化。並皆萬山包絡。溪流縈迴。極地形之雄秀。當時旺氣所鍾。如孫吳發跡於富春。錢氏興王於錦水。南宋建都。倍極一時之盛。但其地四通八達之區。東南形勢平行。而西北力量瘠薄。韶秀有餘。阻險不足。比之金陵。所云石城龍蟠。鍾山虎踞。而長江之險。天所設以限南北者。殆不侔矣。

禹杭

杭州舊名禹杭。傳神禹治水。會諸侯於會稽。至此舍杭登陸。因名禹杭。至少康封庶子無餘於越。以主禹祀。又名餘杭。秦置餘杭縣。隋置杭州。竊謂當神禹治。

水時吳越之區皆懷山襄陵之勢縱有平陸非浮橋
舟楫不可徑度不得於此顧云舍杭登陸也說文杭
者方舟也方舟者並舟也禮大夫方舟士特舟所謂
方舟殆今浮橋是也蓋神禹至此溪壑縈迴造杭以
渡越人思之遂以名地耳

確極宿疑一豁 魯啓人

兩浙山水

兩浙地濱海嶠古稱山水窟中其最著者山則杭之
天目嘉之秦駐湖之洞庭寧之四明紹之會稽台之

天台金之赤松衢之江郎嚴之富春温之雁蕩處之
括蒼凡其脈絡絲延起伏跌蕩有可條分縷晰指掌
而得者其支四西山自天目北折於卞山南達富春
踰百丈萃徑山東北達於金牛蜿蜒千里而入澈浦
東山自江郎泉山至於爛柯東北折至縉雲金華覆
釜大盆趨天姥結於天台之華頂北至四明太白東
折於蛟門虎蹲峙為海門而又其西南達括蒼少微
至於天台底雁蕩橫為海嶠水則江有浙江富春桐
江鄞江大浹黃崎姚江曹娥靈江椒江東江浦陽蜃

江湖有西湖南湖當湖鴛湖碧浪菱湖太湖日月湖
慈湖鑑湖湘湖東湖溪有西溪茗溪語溪霅溪梅溪
前溪章溪慈溪剡溪若耶蘭溪穀溪楠溪好溪皆特
勝而其源流貫注滙合歸宿之地其支亦有四一自
天目下餘不溪過清溪導茗霅滙太湖以入於海一
自澱水出婺水絕分水下桐江趨富陽注錢塘以達
於海門一自越之剡溪出東江下曹娥東帶鄞慈沂
大浹以入於海一自括蒼導洄溪出青田東南至永
嘉滙蜃江過飛雲以入於海浙山水大較如是至一
山自有一山之足紀一水自有一水之應書咸隸各
郡詳誌其實茲不冗及

尺幅叙全浙山水脈絡貫串若掌上羅紋了了可
辨固屬識練亦由筆妙
書院受業楊永鈺敬識

杭城內山水

杭城周三十六里九十步係舊志所載隋時楊素築
也後歷唐宋元明拓開三里餘實四十里舊城包山
距河故南北長今則截鳳山於外絡市河於內故東
西廣而周環適中焉其山西南諸峰統括於吳山盡

之。而城北有小阜高僅三丈廣不滿百步因近武林門亦名武林山。夢梁錄謂之主山。今俗稱祖山。有廢寺存其趾。郡志訛虎林非是。餘東北無山地多曠衍。有林木池水。近號東園半蔬圃也。其水有五。曰中河。東運河。小河。清湖河。運司河。皆引西湖之水而達於上塘。河中河者即鹽橋河。自黑橋至通江橋。與保安水門橋之河合。又北過鍾公橋。與小河通。出武林水門。小河者舊為市河。今淤淺不通行。舟惟裝載柴炭糞土而已。由鍾公橋至仁和倉橋亦合流出。武林水

既云中河何
云云清湖河
邪云為河

門東運河者即菜市橋河。其港闊利舟楫。自斷河至萬安橋北抵太平橋。出艮山水門。與城外河合而達上塘。下臨平趨海寧。皆由此。清湖河者即新宮橋之中河也。以其注於北門外之清湖。閘故曰清湖河。運司河者即西河。自府前至湧金門。僅存河形。以其橋平於路。雖開濬難以通舟。惟恃以洩盈潦。故不廢。今又有新開河。則織造府前於康熙四十六年所開新河也。通湧金水門至西湖。時下河水已淺。堤岸永固。此城內山水之大較如此。

直起直落用筆最古

陸成岑敬評

吳山

吳山在郡城西南隅。志載春秋時為吳南界，以別於越。故曰吳山。或曰以伍子胥訛伍為吳，故又稱胥山。按城南諸山，蔓衍相屬，而總括之曰吳山。其脈自天目，翔舞至鳳凰山，接翅城中。山之南曰清平，曰瑞石。曰寶蓮，曰紫陽，曰石佛，曰寶山，曰金地。迤西則為七寶，為螺峰，為雲居，為寶月。北則有蛾眉，有淺山，有胥山。胥山之陂，與鎮海樓並。其山之寺，觀古蹟，駢列棋

布難以殫罄，而最著者紫陽之大觀臺，瑞石之丁仙閣，重陽之青衣洞，七寶之郭璞井，螺峰之黑龍潭，蛾眉之八眼井，昭昭耳目前，若名存而實失者，如淺山之蜥蜴碑，寶山之子午泉，皆泯沒無所考。山形如偃月，蛾眉高不踰數十丈，層級而上，面江背湖，窮目豁然。漁火潮聲，烟雲萬狀，而俯視城市，皆出鳥下，誠為一郡之雄鎮。今於山之正中處，祀城隍，俗稱城隍山。旁則毗接配祀，如東嶽太歲，藥王三官，關帝文昌，火德水神，準提觀音，各廟有十，並稱吳山十廟。云一遇

晴霽遊人雜沓無間

紫陽山

瑞石山一名紫陽山。在吳山之南。因張平叔號紫陽真人。居此故名。其山頂平砥。四削如臺。登之可容百餘人。左望錢江。右顧湖曲。極浩渺臨虛之勢。

聖祖仁皇帝駐蹕於此。因恭建

御書碑亭於臺側。

御製詩曰。左控長江。右控湖。萬家烟火接康衢。偶來絕頂憑

虛望。似向凌霄展畫圖。此山之勝。盡括於詩。洵為千古絕

唱。至於山石玲瓏。隨步異形。如人各具耳目口鼻。而無一相似。有採芝巖。栽藥圃。滌凡池。尋真路。成道樹。松關補衣石。青芙蓉。紫瑪瑙。歸雲洞。天籟閣。紫竹林。三台石。紫陽亭。丁仙閣。坐忘巖。千歲藤。白雲岫。瑞石洞。飛來石。龍窟。鰲峰。翡翠巖。垂雲峰。月波池。蟾蜍石。蹲獅石。丹藥竈。翠壁。丹崖。迎真橋。玉蟾穴。朝元路。透天關。望江樓。蓬萊閣。空翠亭。橐駝峰。紫陽洞天。寶成院。其中大半蕪圯。惟飛來石。幽洞。窳窳。盛夏可以避暑。丁仙亭。紫陽觀。皆一塵不到。可以洗滌胸次。宋元

人題名甚多。如蘇子瞻歲寒松竹大字及米南宮書第一山真蹟筆勢適逸可愛。

孤山

孤山在西湖中。不與眾山屬。故曰孤山。形平行無峭拔。崢嶸之勢。有婉媚秀逸之容。綠波迴環。林花掩映。幽趣襲人。宋處士林和靖築巢居閣。隱焉植梅放鶴。嘯咏自娛。後人緬企高風。為建放鶴亭。

聖祖仁皇帝南巡幸此

御書舞鶴賦。恭泐於石。按和靖像舊在四賢祠內。余謂處士

當日自謂入山。惟恐不深。今又以各提學雜祀於中。殊為不類。特於癸亥冬。捐葺專祠。設以童鶴。并移四賢祠於六橋之陽。別建室宇。所以重先賢也。或謂和靖詩曰。伶倫近日無侯白。奴僕當時有衛青。知其胸中。自具一副熱腸。非隱者流。此論不無太刻。

北高峰南高峰

北高峰與南高峰相對。石磴數百級。曲折三十六灣。唐時上建浮屠七層。今燬矣。躋峯而望。則羣山屏列。湖水鏡浮。城郭委蛇。曲轉左右。映帶萬屋。鱗鱗可數。

矚羅刹江有若匹練一道橫接蒼溟茫茫無際其南
高峰羊腸詰曲松篁蔥蒨亦有塔居峰頂晉天福時
建今亦燬止存五級耳塔中東瞰平蕪南眺大江西
接巖竇北矚陵阜烟波之杳靄樹石之蓊萃埜陌之
芊緜皆叢聚眉睫間令人應接不暇如由湖中仰望
兩峰晴嵐飛翠上極層霄髣髴螺髻千重掩映於碧
波浩蕩之間也

飛來峰

飛來峰在靈隱寺前晉咸和中西僧慧理登而嘆曰

此乃中天竺國靈鷲山小嶺不知何以飛來仙靈隱
窟今復爾否因樹錫結菴名曰靈隱命其峰曰飛來
山不甚高而怪石盤鬱鱗疊而上擬之畫家片片皆
黃子久大劈斧法也巖岨窈窕屈曲通明果有欲飛
欲舞之勢昔人詩云只疑夜半狂飈發依舊飛還竺
國中殆非虛語有呼猿洞昔時寺僧齋時每呼猿飯
之其猿馴擾時來聽講今其洞尚光瑩若有物出入
者此其遺跡也惜元髮楊璉真伽於崖壁間雕鑄佛
像反損自然之趣毋亦世間尤物每為造物所忌雖

山靈亦所不免耶。然雕鑿所不及其玲瓏蒼翠。依然如故。則青山又未嘗不自有面目也。

韜光

韜光在靈隱寺後。山從大殿側取徑屈曲而上。凡數里夾路叢篁干霄蔽日。即白傳所咏一山門作兩山門也。其絕頂有望海樓。遠見東海。宋之間作靈隱寺詩有老僧云樓觀滄海日門對浙江潮。即此菴左有泉鑿一石龍口滴瀝而下。匯為方池中畜金魚斑文紫鬣跳躍自恣。至此毛髮生涼。塵埃頓盡矣。菴有詩

僧松雪所藏歷代名人題咏冊子頗寶貴。一時余因公至其地。出婁東王相國所鐫詩集請序。并述韜光其先禪師也。與白香山友善。遂卓錫於此。固地以人名耳。予曾為之序。載別集。

初陽臺

初陽臺在棲霞嶺紫雲洞烏石峰之上。即葛嶺絕頂後也。舊志稱海日初出霞光萬道。景色離奇可觀。十月朔日是臺之面。獨見日月並升。都人往觀者甚眾。據故老云日初起時四山皆晦。惟臺上獨明。俄則霞

布雲擁日既離海更有一影蕩瀟色淡如月相繼而起一歲之中惟此一日倘稍陰翳即不可見

五雲山

五雲山在西湖之南二十里出南北兩峯上高百丈周十五里沿江盤曲而登凡六里以時有五色雲籠罩故名峰矗者五灣折者七十二山半有伏虎亭梯以石城便往來平岡名月輪山鑿天井二大旱不竭東達長嶺通九溪十八澗西一里為雲棲塢諸山連絡起伏長江圍繞如帶湖巖得雪必於此先識蓋所托者高而所積者厚也

風篁嶺

風篁嶺在西湖之南山龍井所自出嶺最高峻崩崖怪石林立豁訝地多蒼筤篠蕩與萬松相倚偶值風至聲韻謾謾與松濤相間有如弦管唐建報國寺於嶺上宋熙寧中改壽聖院子瞻書其額今過溪亭舊址猶在山徑清曠蕭然自遠當空山夜靜月波交映之際輒令人遙企坡老與辯才物外嘯咏曾次何等超豁

無門洞

自棲霞嶺攀磴而上。多峭壁奇石。嵌空玲瓏。其中穹然如厦屋。閤開曲達。旁無依倚。豁焉通明。微風南來。令人神寒骨竦。盛夏可以忘暑。如紫雲洞。金鼓洞。一以雲氣空濛。一以水泉鏗錡。擅名。余皆歷覽。得其勝。至越嶺而下。有所謂無門洞者。俗傳至其地。若無門可入。得其徑而後知。豁如窳如。架虛穿邃之妙。此說甚謬。按無門。其佛號也。至其地。初無片石之可觀。僅老樹古藤。髯松修竹。蓊蒼於清池。止水間入後閣。振衣高嶺。得巔崖焉。內鑿石佛。長丈六。下畝深洞。可容數十人。石自廠為屋。橫木為窗櫺。小立移時。自覺萬籟俱寂。一塵不染也。

虛實相間而成文。一披覽間便覺氣象萬千。陸成

岑敬評

半山

半山即臯亭山也。距城東艮山三十里。沿臨平湖。接桐扣山。有崇善靈惠王祠。祀晉杭州刺史陳頊。俗稱半山孃孃廟。不知何據。每五月龍舟競渡。畢集於此。

賽會廟旁有水。蟄及桃花塢。春時桃紅數十里。繡錯如錦。城風起。花片墜。落積湖面如茵。士女遊觀如蟻。山半為伏虎禪師塔。山下有柳翠塔。皆不可考。其麓產櫻桃梅李。多鳥獸雉兔。冬臘。閩帥獵圍恒於此。俗於正月十五日。縱火焚山。以除猛毒云。

錢塘江

江在縣東南離城里許。本名浙江。其源發自黟縣。與衢州金華蘭谿之水會於桐江。乃入杭州之富陽。曰富春江。至錢塘。曰錢塘江。凡經過者。徽嚴杭紹四府。

曲折而東。以入於海。又曰三浙。以其形三折而注海門也。虞喜志林云。潮水投浙水下。折而曲。一云江有反濤。水勢折歸。故名浙江。一名曲江。枚乘七發云。將以八月之望。觀濤於廣陵之曲江。今江干有廣陵侯廟。蓋杭故揚州之域。亦有廣陵之名也。桑欽水經稱漸水。或以為浙字。鄒邾之訛。後人又呼羅剎江。以江心有石風濤極險。故呼羅剎。其名錢塘江者。以塘為錢鏐所築。又曰築塘時。以錢易土。故稱錢塘。大要縣以江塘得名。而江又以縣得名也。其江橫闊十餘里。

沙水漲沒不常一年之間或東漲西沒或東沒西漲。舊時從中道漲一沙塗渡者兩頭換船尤為異事。浙地江水之險以錢塘為最然其水極淺蕭山人熟於斯土尋得其徑可以徒涉而過。近今徽州塘下沙漲至六七里江面窳狹行者幾不知有風波之險矣。所苦者雨雪之朝商旅於沙漲處躑躅泥濘之中老弱不堪此苦則乘牛車亦不免衣裳潑濕縮首受凍蓋其勞困有甚於風波也。

浙江潮

浙江潮為天下奇觀天下江海無不通潮要不過平鋪暗長水聲澆灑而已。獨錢塘潮則掀濤鼓浪噴薄如山喧震若雷於是求其故而不得遂人各為說。按元宣伯聚云浙江之口有兩山焉其南曰龕山北曰赭山並峙於江海之會謂之海門海水發乎浩渺之區而入兩山間頓就斂束拘怒激射則奮而上躋此說近是而竟有不盡然者蓋潮水出沒遷徙無常今昔之情形頓異今海水北徙遠棄龕山而流於赭山之陰並無夾峙之山以受斂束而潮頭拍岸依然如

此後少矣

故知其非受束於龕赭二山也。又云海門下有沙渾，跨江三百餘里，若伏檻然，亘而起潮。今不由海門，而所謂沙渾者，已成平陸，何以潮頭仍見？細察其勢，厥由江海一往一來，相逆相爭之所致也。蓋他處江流勢緩，故不甚抵角；此則滙徽衢嚴萬山之水，注各江而合一流，奔赴會城，高低懸絕，如建瓴其流，急其勢，橫海水東來，猛不得進，則相持衝激而上浮，是以能聳湧潮頭，震撼有聲，過錢塘而水愈下，至海寧而潮未息，則不關於龕赭兩山者，更明甚。至潮晝夜一再至，朔望則旺，至秋則尤盛，蓋與月為虧盈也。以其應候而至，亦曰信例。以八月十八為潮誕辰，觀者如堵，江臯上下十餘里間，殆無間地，大觀也。若吳越春秋所云潮為子胥怒氣衝擊，益附會不足信。

西湖

西湖漢時湖中金牛見，有明聖之瑞，故名金牛湖。又名明聖湖，以其在郡城之西，名西湖。蘇子瞻詩以西湖比西子，故又名西子湖。源出武林諸山，環山向郭，方廣三十餘里。按田汝成志云：西湖諸山之脈皆宗

天目蜿蜒東來若翔若舞萃於錢塘崢嶸迴繞滙為
 西湖洩惡停深若練若鏡其水灌溉沿湖之田形勝
 關乎郡城餘波潤於下邑宋維藩圖說云西湖之最
 奇者南山石青竅穴玲瓏北山石紫峭谷秀麗西山
 兼南北之勝東城極眺覽之奇今遊者朝暮不絕綠
 鐙紅檣遠近相望蓋以出郭不數武而得湖山之勝
 宜其遊者之日盛也然西湖佳處不在面而在腹面
 如李思訓父子着色圖畫層紅縷碧艷奪人目腹如
 王右丞脫脂粉為渲淡淡而愈濃其所謂別有天地
 非人間者耶西湖在漢晉間記頌寥寥惟聞金牛靈
 鷲而已自李鄴侯白太傅蘇文忠相繼開井築隄杭
 人咸得食湖之利至南宋治行都點綴繁華湖中翠
 樓花榭銜接輝映簫鼓畫船連朝徹夜於是西湖之
 盛甲人世而冠蓬瀛矣然其間興廢不一自元迄明
 湮淤屢見我

國朝以西湖為浙西農田所關鹹漕商艘賴以通達

特命大臣開濬百廢具舉

聖祖仁皇帝翠華南幸名勝所在

錫以歌詩。雲章爛然。為湖增寵。乃知西湖明聖之瑞。於今始應。湖自蘇堤築後。名分為三。孤山前曰外湖。山後曰後湖。蘇堤內曰裏湖。湖之十景曰蘇堤春曉。雙峰插雲。柳浪聞鶯。花港觀魚。曲院風荷。平湖秋月。南屏晚鐘。三潭印月。雷峰西照。斷橋殘雪。係我

聖祖仁皇帝親灑

宸翰。標示湖山。俾垂不朽。天下遊西湖者。咸知所向。往云。

受宜堂宦遊筆記卷二十目錄

浙江二

全浙水利

海塘修建

江塘修建

臨平湖

西溪

冷泉

玉泉

六一泉

虎跑泉

郭璞井

龍井

受宜堂宦遊筆記卷二十

納蘭常安履坦著

男珉全校

琇

浙江二

全浙水利

兩浙襟帶江海。是為澤國。范仲淹言浙西地卑。常苦水沴。雖有河渠。可以通海。惟時開導。乃不湮於潮塗。雖有堤塘。可以禦患。惟時修固。乃無憂於摧壤。沈括

言浙西涇浜淺涸當濬浙東堤防川瀆宜修二者之言良是余則綜其勢而統論之浙東地處乎高其水宜蓄是以有碓矸堰閘之制浙西地處乎卑其水宜洩是以有泖港涇浜之制杭居省會江塘海岸衝突可虞西湖滿溢稍資灌溉其上流江源本徽之漸江出歙縣過三天子都流桐江入富春達錢塘以入海西湖瀦武林諸山之水城河爲西湖之血脈臨平湖爲城河之下流防海潮之患在開中小壘淤沙使江海復由故道所謂順其勢而導之也石塘土塘不時

相幾修築所謂防其流而禦之也禾中南承浙水北達松江惟海鹽地高苦旱唐李諤所開之古涇宋何易中所置之橫塘閘可不一一修備乎江表大郡吳興爲一而其水莫巨於太湖在三江之上跨常鎮蘇湖七郡納宣歙天目諸山之水而泄之於三江以入海唐時五堰旣開則來者愈迅至宋而湖堤旣固則去者復緩由是三江不受湖流之衝下有潮沙之湧常防潰溢矣然則五堰不可不修湖堤不可不築使太湖之水可以東下三江之水可以入海則爲蓄爲

洩勢在我矣。由是渡江而東，則為紹興、寧波。宋時大興水利，凡圩田、園田、陂塘、堰閘之利畢設。李光有言：明越之境，皆有陂湖，湖高於田，田又高於江海。旱則放湖水溉田，潦則決田水入海，後廢湖為田，蓄洩無備，而所得不償所失。此夏蓋汝仇等湖之宜清理也。夫膏壤沃野，莫過於越。越水之壩，以麻溪為重，而越水之閘，尤以三江為要。務使閘外之地，不為沙淤。庶山會蕭三縣之田，不傷水旱。金華俗多井灌，田若蘭溪、東陽諸堰，民食其惠，當開濬焉。三衢水運浙，以入海，地勢既高，水勢甚迅，築塘砌碕，其有事也。如西安堰、石堰為三十都田咽喉，五平石室等堰為一郡之儲蓄，尤宜急講者矣。嚴陵之蓄泄，利在南溝。城南堤金浦諸處，然嚴城未嘗不高峻，而往往受衝，則以婺睦之流交匯於此，以趨江海。其堤岸不可不固。要之自激水合，東白大盆出為婺水。至於蘭溪，東導烏傷流為浣浦，西絡魚浦，皆北流以入於江。新安之水自遂昌入，復達淳安，絕分水。下桐溪，導天目之南過新城，皆東南流以入於江。獨紹之暨邑當浦陽，浣江

之衝而腹藏大湖地又低窪縱有洩處勢緩停漾一時多為受困惟築塘岸堤壩以禦來勢而去路終莫之策此當因地制宜以籌之温州界於海沿江地下苦潦而泰順諸山邑又多憂旱自陡門作乃無乾溢之患台州負山界海水性下而海勢亦下故治水利視他郡較易如杜瀆金清巖下等壩所當留心者處州環郡皆山其資漑灌者僅盈盈一帶耳故隄障為急統論全浙之勢十一郡為之綱七十五州縣為之紀古人治水之道縱則有浦橫則有塘又得門閘堤堰經緯而營布之自然脈絡貫通旱潦有備為今計者亦就地加意焉使流者皆有所歸滯者皆有所洩則下流治而潦皆無虞湮塞者濬之深廣俾復其舊則上流治而旱無所憂矣全浙水利之大槩如此至於條分縷析則又當就郡縣之一方而詳及之

形勢如聚米為山可覘經濟 魯啓人

海塘修建

杭州地屬東南襟江帶海每罹潮患江流匯徽巖金衢萬山之水自錢塘沿仁和奔赴入海海水由嘉郡

平湖海鹽之乍浦。激浦溯尖山海寧而上。逆於江。一如建瓴之來。噴薄高躍。排擊怒號。勢燁赫不可遏。其頂衝被刷者。為錢塘之江塘。仁和海寧海鹽之海塘。而海寧之海塘。為尤要。海寧縣城距海不過百武。歷來風汛陡發。便壞民舍。故捍禦築隄。不可一日不計。考塘之築。或云起自錢武肅。通典謂起於漢華信。塘之重築。或云自宋嘉定間。築鹽官塘。復築鹽塘。淡塘。表花塘。不知元大德間。老塘崩。猶見唐開元重築年號。則沿海之有塘。由來久矣。舊志縣為鹽官州。泰定

元年。海溢沒內地十九里。有司以竹絡木柵填塊石。作水櫃四千六百九十。固塞之。捍之不止。二年復決。乃請名僧宏濟詛之。四年壞鹽官塘及州城郭。更令天師祭禱。議作塘四十餘里。鹽塘令增高闊。然皆以浮沙活水。難於施力。天歷二年。改鹽官州為海寧州。至正九年。修築海寧州城。明洪武元年。改海寧州為海寧縣。自洪武至永樂間。凡三修。費百萬。積十三年。隄始成。後成化十三年二月。海決逼城。民舍在西南者。淪陷殆盡。秋八月。分巡僉事錢山治海塘。採石臨

平安吉諸山。斲木爲大櫃。編竹爲長絡。引水下流。泛溢乃定。萬歷初。巡撫徐拭。與水利使陳詔。翕謀建築。爲功頗固。三十五年。建南城。占鼇塔。以寧邑面大海。起巽峰。鎮砥之也。天啓崇正間。冲平野二十餘里。漂沒無算。皆班班可考。我

朝

順治二年。海壞翁家埠一帶民地。舟行入市。今天開河。即其舊址。康熙三年。復被冲。分巡僉事熊光裕。督修完固。十四年。沿海沙坍復漲。於十一月。濬四境塘。河通漕資。溉特闢莊婆堰一帶塘路。至石門界十五

年。重修占鼇塔。易名曰鎮海。後潮勢屢侵。歷年未嘗稍間。修築按向日江海水道。橫亘三疊。南北各一大。疊中一小。疊水由中小疊入。南北兩大疊。沙漲寬闊。城南門外高阜。離堤有三十餘里。民田廬舍稠密。至康熙三十六年。水勢漸向北趨。將海寧沙灘衝沒。以致直抵尖山。自仁和之翁家埠一帶。屢爲坍卸。

聖祖軫念東南黎庶。不遑宵旰。

命下。令臣工議治海塘。於康熙五十四年。相度寧城南門外。最爲受險。於是議建塊石塘三千餘丈。以資捍禦。此

海塘興築之始也。嗣五十九年經前督滿前撫朱

奏請於老鹽倉浦兒兜建築石塘四百六十丈。又

於徐家壩先築草壩四十丈。以資捍禦。其老鹽倉迤

西沙性堅澁。簽椿難下。俗所謂鐵板沙也。究其沙下

潮水浸潤。仍屬虛鬆。即使功成。亦難經久。遂創築草

塘一千五十五丈。此草塘興築之始也。又馬牧港楊

家莊戴家石橋。至秧田廟華岳廟陳文港錢家坂普

濟菴等段。各改築塊石塘。雍正六年題明將已坍之

工。改建條石。而險要加築盤頭。雍正十年水決觀音

堂及翁家埠於十一年經前撫程

題明接築草

塘二千二百二十餘丈。嗣蒙

世宗憲皇帝命大司農海

等赴浙相度。指授建築。特設海

防兵備道員領官兵。轄東西廳。承築土備塘一萬四

千二百二十餘丈。加培附石土塘一萬餘丈。修建石

閘涵洞橋梁等工。又以舊塘易於坍塌。年年粘補。終

非長策。議從尖山起。至萬家閘止。改建石塘一萬丈。

以為永遠利賴。未築間。雍正十三年六月初三日風

潮大作。舊塘復壞。是年九月內奉

旨命大學士嵇

總理海塘遴員分段承修。先建條石

塘一千一十餘丈。坦水八千四百餘丈。幫築土戩一萬三千九百餘丈。俱於是年冬開築。於乾隆元年四月一律告成。又加築仁和境內李家村及海寧境內九里橋等處土塘四千七百一十餘丈。而繞城大石塘坦水五百餘丈亦俱完竣。至築魚鱗大石塘大工。恪遵

世宗憲皇帝因塘身臨水。那動尺寸之。俞旨工員細察情形。以鉅工務使經久。必得萬全無弊。始克

保護復經奏明於原議工程。繇長一萬四千二百二

十丈有奇。內除酌量可緩外。實築五千八百五十七

丈零。於乾隆二年遴選鹽場改効及廢官投効。河工

帶來等人員共九十三員承築。至八年普遍完工。又

續建魚鱗大石塘六十九丈五尺。又盤頭後塘身改

建大石塘一百七十丈零。俱經告竣。至老鹽倉草塘

自康熙五十四年起。並無塘隄。經前撫朱題建後

陸續接築搶修。以資捍禦。再尖山堵塞石壩一工。在

尖山塔山之間。向有石壩二百丈。拆廢已久。因潮水

頂衝投石亂流之中難以成工於雍正十二年九月
經都統隆

欽差大人汪張等堵築一百二十丈亦緣水深溜

急因而中止於乾隆四年十一月經前撫盧奏准
接築八十丈於五年二月開築即於是年六月完竣

又乾隆六年十月內前督德奏請改建石塘自仁
邑章家菴茶亭起至浦兒兜大石塘頭界止共四千

二百一十丈零經左都御史劉到浙會同前督
德鎮浙將軍傅及安臨塘勘酌其時因護沙刷

盡水逼塘根難以施工議請普律加鑲柴草俟水緩
沙停再議改建每年以三百丈為率陸續辦理奏覆

部議以浙督那將次到任行令查勘如果意見
相同准其改建石塘等因那制軍到任後會勘得自

仁和之章家菴起至海寧之華家街止約計二千四
百餘丈舊築柴塘之外漲有老沙絲亘數里居民現

在播種並非頂衝毋庸改建石塘因擇險自華家街
迤東至浦兒兜石塘交界處柴塘一千八百餘丈統

行拆修加鑲完固至老鹽倉汛東至石塘界四五百

丈尤為險要。若照原議，每年興築石工三百丈，無論活沙走水，土性堅澁，上實下虛，難於釘椿。即使築起，亦難經久。應於柴塘臨水之處，間段用竹篾貯石，排築根脚。俟水去沙停，再建石塘。覆准在案。是以於八年，從老鹽倉石塘交界處，并黃山廟姚家壩等處，相其機宜，用竹篾盛石法，共建石壩一百七十七丈七尺。那制軍所議如此。余忝任海疆，時以潮汛為憂，於是多備柴草，復備土牛，以防不虞。舊有土牛間隔，排堆今將土牛於間隔之間，絲延連接，自華家街起，至

海寧南門外廿里橋一帶，屹如垣墉。議者以為過慮。至乾隆八年八月十九日，果風潮大作，海水漫溢，驟上塘面，約二三尺許。幸藉垣墉得資堵禦，移時水退，人民胥慶無恙。乾隆九年四月，果毅公訥至浙，踏勘塘工，奏稱塘工情形，惟視海沙坍塌，以為平險。老鹽倉一帶柴塘漲沙，每被沖齧，未可盡恃。臣細加查詢，浙省江海，水潮向由蜀山之南，中小壘出入。其近海寧之北大壘，近蕭山之南，大壘悉皆沙漲寬闊。是以杭紹二郡，共慶安瀾。迨後中小壘漸就湮塞，江海

大溜。悉由蜀山之北。一日之間。潮汐再至。江流逆過。其上受阻。之迴流。與洶湧之潮勢。兩相激蕩。兼以潮至。多挾風雨。東南風猛。則水勢全趨北岸。故衝刷漫溢。種種為患。若將中小壘故道。開濬深通。俾潮水流江。循軌出入。分減北大壘之溜勢。則上下塘工。悉可安堵。毋容多費工築。實為經久之圖。即使中小壘。有不能遽行開通之勢。查潮汐情形。與湖河等水迥異。其日月衰旺。既有期信。且隨長隨落。為時非久。當其暴至。固費防護。及乎甫退。便可施工。若將險要處所。酌量機宜。多建坦坡木石。餞壩俾其挑水。挂淤。實為捷要之法。如盤頭稍越塘外。竹篾列置塘根。即可擋浪挂沙。乃其明效。蓋有高沙。則塘根即資鞏固。有新沙。則高沙不能坍塌。柴塘一帶。若辦理合宜。使沙益堅。積水不通流。不但不必改建石工。向後並可免搶險之勞費。部議柴塘性既柔軟。不致與水相激。且北岸建壩挂沙。已辦理妥協。並柴塘亦可省歲修之費。即或稍有衝損。臨時搶護。亦易為力。應毋庸改建石工奉

旨依議。遂輟改建之役。九年七月初三日。至初七日。連日風潮大作。水漫溢。與八年相同。復藉土墻障禦。不至為害。然海潮變遷無常。稍不周密。即難補救。本年普兒兜迤東。至寧邑一帶。江水溜湧。舊沙日就坍塌。水逼塘根。以致普兒兜盤頭上游池家墳前舊塘。於五月十八日。炷蟄工長四丈五尺。隨即飭屬員先用柴土鑲填。暫為抵禦。又迤東靖海汛內。曹將軍殿前石塘。於六月初五日。西南風大。助潮洶湧。將護塘石塊盡行掀揭。椿木擊斷。以致石塘炷卸九丈三尺。酌議先築柴塘一道。并接東添運柴土盤頭一座。俾令擋浪挂沙。以防汛險。其卸下石塊。揀聚一處。秋冬之交。起建石工。次第成盤頭二座。至通濬中小壘一件。即於九年冬。親詣蜀山。詳加相度。因蜀山迤北向有積沙。寬至四五百丈。橫亘中間。先就沙嘴開溝四道。切成坎形。令潮水攻刷。嗣後陸續疏通。歷經大汛攻刷。蜀山積沙。至十年冬間。漸覺坍塌。隨趁勢努力挑挖。今年春夏兩汛。南沙坍塌殆盡。蜀山已在水中。凡有行船。俱可於蜀山之南。往來無滯。若秋汛不復湧沙。

可望大溜竟行中小壘矣即於六月二十四日具摺

奏

聞此

仁和海寧石塘柴塘現在之情形也自尖山迤東俱山嶺無庸建塘至海鹽始有石塘原十八段建始於宋元繞城百步築之明洪武間屢修屢築至宣德中巡撫周忱大治之後郡守黃懋議採大木石更築壘砌成坡陀之勢潮冲不壞萬歷間又經屢修而巡撫滕伯倫功特著今之塘其舊基也於雍正九年經前督臣李題明改築化被草木四號八十丈新建石

塘四十丈又移建矮石塘七十丈又天字號起至朱公寨止共建一千三百六十丈又折底全修閏餘二號石塘十一丈雍正十一年前督程題築坦水三百六十六丈五尺又折修一體兩字號加高石塘二十六丈餘自十三年起至今皆克完固稍有矧陷即飭按歲搶修平湖縣塘於雍正九年一起至今惟歲修搶修土石亦無衝決此海鹽平湖石塘之情形也又四邑石塘草塘之後以土另築一塘以備石草二塘衝決之患設潮勢洶猛石草二塘不能抵擋則此

塘足以禦之故名土備備此預為之防也自仁和章家菴起至尖山止計長一萬四千四十八丈五尺自海鹽至平湖計長一萬四百七十九丈五尺四縣之間蜿蜒絲亘工程浩大最為海塘之得力處海鹽平湖之石塘甚低望之海水幾與塘面相等風作海水拋灑過塘至土備塘下而居民田廬無少侵溢雞犬桑麻盡成樂土此土備情形係雍正十一年大司農海所議建也予莅任以後以為既有土備不可不有積柴但柴草堆積不無朽爛之虞特於仁和海寧土塘遍栽桃柳令其根株密比庶不勞而有藩籬之固今已彌望成林鬱蔥可喜其海鹽平湖二處亦令漸次種植夫以土塘鞏固於內而中小疊通濬於外內外並修源流交治其所以護衛民生者真萬全之策矣自非

皇上

廟算一勞永逸曷克臻此是陸沉之疆土得奠麗而與之生全魚腹之遺黎得又安而與之康食底績之功

皇仁

之普也用是考歷代之修圮志今日之獲弭不辭觀

縷而詳叙其緣起

極大工程千頭萬緒說來絲絲入扣末段歸到

廟算真如禹錫元圭告厥成功也此見讀書有實用後學

潘遇莘敬識

江塘修建

江塘之築吳越舊史謂起於錢氏杜氏通典謂起於漢功曹華信以唐書開元時重築鹽官塘按之則唐以前有塘可知矣或云華信募工致土石一斛予值千錢人貪其值爭擔負而至比至江上詭云已不復

用皆棄土江濱去塘以之成因名錢塘至梁開平時再修於錢王鏐後人以錢王有萬弩射潮潮退築塘事遂以塘屬錢氏二說究未知孰是考宋大中祥符間錢氏塘半圯轉運使陳堯佐築之而繼其功者李溥馬亮張夏楊偕劉旣濟趙與權數人然自武肅以來率用薪土屢築屢圯民苦於役至景祐三年俞獻卿知杭州始鑿西山石作堤十二里以衛城因置捍江兵士五指揮採石修塘隨損隨治立法最善杭人德之為立廟堤上此石塘之所由始也明洪武十年

江水溢命大臣勘築自此興築之後永樂元年一修
五年至九年再修十八年更易重築塘克有成及成
化八年冲决特甚命工部侍郎李顥築建迨後因循
塞責坍塌如故至我

朝凡百廢具興而於浙之江塘尤致意焉康熙三十八

年仁錢二縣修塘六百九十九丈未逾年而潰大司

農趙時為藩伯請於前撫軍張議購巨石

選工用縱橫法加鐵錠嵌縫復築子塘以為重障自

六和塔迤西至善龍嶺開山砌築至華光樓止共築

石塘六百六十七丈子塘八百九十五丈計費五萬

二千六百有奇皆出官俸及士商樂輸志載如此是

以至今泐諸石民不能忘大凡工之經久者其根固

其築堅也於是數十年皆獲寧謐至雍正九年前撫

臣李彙案修徐村等處石塘三百二十八丈雍正

十年經前撫臣程彙案修墨煤場等處一百二

十六丈雍正十一至十三年彙案修總管廟等處共

五百五十丈零乾隆元年前撫臣嵇彙案修徐

村等處共五百一十五丈又朱平橋小朱橋亦得砌

築如故嗣此按年續修定為歲額自仁和螺螄埠起至大開口自六和塔徐村至轉塘頭獅子口凡百十餘里視坍塌之長短與工程之多寡約歲修三五百丈不等遇大風潮修至一千七八百丈不等余抵任後幸海波不揚江流効順惟於十年題修錢塘縣堦裂石土塘共二百十六丈八尺又橫港踏步一座此亦思患預防以仰副

聖主

憂勤之意緣考海塘建築因得附記江塘梗槩如此

歷叙江塘緣起修建確有成法可為江防金鑑書

院受業聞人儒敬識

臨平湖

臨平湖一名鼎湖在仁和縣東北五十四里舊傳赤鳥二年寶鼎見因名為鼎故老相傳此湖開天下平遂號曰臨平又於湖邊得石畝中有小石青色刻篆形亦稱曰石畝湖中有白龍潭接海寧界與黃鶴山毗連參寥所咏但看黃鶴山頂雲化作白龍潭上雨是也湖袤延三十里唐時水直至山下南宋為運道亦多風波之險理宗紹定間築永和塘以捍之今久

塞為民人佃作桑田魚池故道不可復識東抵臨平鎮烟火萬家闌闌稠密湖岸有安隱寺係晉時建松雲蔽天下穴方池有泉沮洳曰安平俗名寶幢以寺前有石幢猶存也蘇子瞻品此泉為第二有當年陸羽空收拾遺却安平一片泉之句今泐石於池上凡省城自東門入者俱藉此泉為汲大船載運殆無虛日寺僧衣鉢賴此按海寧鹽官旱時例放西湖水以濟田禾必經此湖所以此湖亦水利之所關

西溪

西溪在武林山西北過桃源嶺由古蕩入距錢塘二十里直接七十二賢峰抵餘杭界按志高宗南遷初欲都西溪覽其圖曰西溪且留下故今亦稱留下俗訛為樓下至今谿路皆輦道石平如砥一路多梅花竹樹芬翠映帶洗絕塵埃其中龍歸塢蒹葭里皆勝境也沈叔培詩曰溪山不數里水樹有千重是矣溪後一名河渚環渚皆園亭縛竹木為橋通南北河僅容一葉小舟載兩三人以濟有梵隱誌備載其勝此中高僧靜室花塢芳谷以數百計有盧舍菴菴中所

西溪

杭州府
卷二十一
植白寶珠茶千葉杜鵑花並稱奇種秋雪菴望蘆花
更美有高竹窗莊

聖祖仁皇帝巡幸時曾留
宸翰今張司寇園亦在其地

冷泉

冷泉由石人嶺至飛來峰下。淳蓄澄清波光靛色。方
廣成池。唐刺史元與建亭於岸曰冷泉亭。按舊志載
有四亭曰虛白。候仙。觀風。見山。各占其勝。云今四亭
皆廢。而茲亭獨存。古樹為蓋。石巖為屏。俯視寒碧。襲

人衣袂。當盛夏時避暑。其中頓除煩溷。蘇子瞻詩靈
隱寺前天竺後兩澗。春淙一靈鷲。正指此亭。聯曰。泉
聲咽危石。日色冷孤松。為董思白書。又聯曰。泉自幾
時冷。起山從何處。飛來為陳眉公書。皆絕佳。或言靈
隱江邊寺。謂水原深廣可通舟。殆耆舊傳聞之誤耶。

玉泉

玉泉在九里松北。志載南齊僧曇超說法。龍君來聽。
師告以此中田二千頃。苦乏灌溉。龍君乃撫掌出泉。
云今泉在清漣寺內。發源西山。伏流數十里。至此始

見色清而味甘。瑩石為池。方廣三丈。泉從礧竇噴珠。灑玉而出。澄澈渟藍。與天一碧。中蓄文魚。數百浮沉。上下亦深藍淺碧。相雜鱗鬣。可數。蓋杭俗子弟出就外傳。父母多買赤鯉。放生於此。以取躍龍之兆。故經久自適。文采絢溢。池中心聚小石如塔。近翼亭其上。榜曰洗心。左右夾以迴廊。環以曲檻。遊人憑檻而坐。魚亦不驚。近寺童穉。懷香餌以鬻。投之則揚鬣奮鬣。而至。吞吐出沒。備極濠濮之趣。康熙三十八年。

聖祖仁皇帝南巡幸寺

御製玉泉五色魚詩錦鱗游泳漾波紋。隱藻穿蘋暗作羣。濠

濮會心原不遠。清漣題額與傳聞。余入西山勸農經此小

憩。觀其生意輒流連。不忍去亦庶幾周濂溪。不除窗下草之意。

南六六一泉。五魚前為春妹。五魚閣外。既陳忠直。

西湖孤山僧惠勤。能文而且長於詩。素為歐陽文忠公所識。後蘇子瞻通守錢塘。往謁公。囑之曰。倘求人於湖山間。而不可得有勤焉。蓋友事之子瞻。果訪勤相得甚歡。明年公薨。子瞻哭於勤室。又十八年復為

錢塘守勤亦化去因訪舊嗚咽之下適泉出講堂之後勤之徒與仲以出泉當坡來乞命名以識異坡即取勤舊語六一翁之意而遂以六一名之蓋以人名泉不忘所自也子瞻六一泉記大略如此今聖因寺南六一泉猶在焉前為春秋正氣閣祀列朝忠直後祀理學鄉賢將與終古不特歐陽子不能滅沒而勤亦彰彰人耳目間泉之繫重乎哉

叙歐蘇名泉一段情意悱惻動人

陸成岑敬評

虎跑泉

虎跑泉去城西南十里泉清潔甘寒與龍井玉泉伯仲郡城則郭婆井吳山泉為最茲五泉者杭之聖水也蘇子瞻詩亭亭石塔東峰上此老初來百神仰虎移泉眼襯行脚龍作浪花供撫掌蓋此泉因虎攬地而生也

郭璞井

郭璞井泉味亞於虎跑泉相傳為晉郭璞所作稱郭婆者誤也然丁文策則又言昔郭公好施穿井濟人妻與子亦雅同心公所穿曰郭公井在今高士坊子

所穿曰郭兒井在江干妻所穿曰郭婆井即此井是也。

質而古 魯啓人

龍井

龍井在風篁嶺上巖壑幽古林樾深秀澗泉從亂石中出延緣山磴井凝寒停碧甘美可愛久旱不竭武林舊事云吳赤烏中葛稚川煉丹於此或云有龍居之故名世傳禱雨必應向荒蕪荆棘人迹罕至自辯才澄治潔楚與蘇子瞻趙閱友善有歸隱橋方圓菴夕照閣滌心沼薩埵石辟塵爐片雲亭諸勝秦少游作龍井記稱西湖泉之美龍井其尤者也其地產芽茶為浙中特勝即今之

貢品是按坡老咏白雲山下兩旗新程秘有酌泉瀹茗復

汲二盞以歸之記皆屬韻事迄今數百年人事幾更亭宇遷毀獨寒泉灑灑不減清流蟠幽踞秀殆亦造物者之無盡藏也耶

多者必無盡善也耶

貢

其遊也必如白雲山不測之深淵也

茶寮湖中林湖明今之

其遊也必如白雲山不測之深淵也

其遊也必如白雲山不測之深淵也

受宜堂官遊筆記卷二十一目錄

浙江 三

聖因寺

上天竺寺

雲居寺

淨慈寺

昭慶寺

理安寺

雲棲寺

六和塔

龍神廟

海神廟

陸宣公祠

新建四賢祠

敷文書院

表忠觀碑

唐睢陽太守許遠墓

唐太師顏真卿墓

唐司勳員外杜牧墓

唐江東先生羅隱墓

吳越國錢武肅王鏐墓

宋和靖處士林逋墓

宋忠武鄂王岳飛墓

明忠肅于謙墓

宋徽宗得王世宗墓

宋徽宗得王世宗墓

宋徽宗得王世宗墓

宋徽宗得王世宗墓

受宜堂宦遊筆記卷二十一

古關天四照閣書院

納蘭常安履坦著 男珉全校

天友

浙江仁聖廟西為雲山閣堂民堂垂山雙林神

聖因寺

聖因寺在西湖孤山之陽四照空明羣山環拱實攬

全湖之勝先是

聖祖仁皇帝南巡駐蹕於此恭建

行宮雍正五年經撫臣奏准改為佛寺

御書聖因寺額中建

萬歲樓恭奉

聖祖仁皇帝神御龍帷臣民瞻拜凜然有

天威咫尺之義自樓而西為雲岫閣望月臺垂釣磯雙桂軒

諸勝自樓而東為西湖山房攬勝齋涵清居第一樓

六角亭諸勝前後朱欄曲榭莫不依石阻山天成結

構異卉修篁互相輝映中多

聖祖御題迤東登絕頂則為四照亭從古關氏四照閣舊額

也

御題雲峰四照當四時朝暮振衣直上遙望羣山翠如點螺

湖波淡蕩輕舫如浮鳧浴雁不啻憑霄漢而空萬象

塵意頓滌

上天竺寺

西域月氏國五印度曰天竺浙杭之武林山自晉僧

慧理登嘆曰此吾天竺靈峰之小鷲嶺不知何自飛

來遂易其名曰天竺又稱飛來峰靈隱山隋僧真觀

建寺山南曰南天竺僧掌寶建寺於西曰中天竺石

晉時僧道翊隱中竺於澗底見瑞光得香木命匠成大士像。維時吳越王錢鏐夢大士現白衣人求葺其居。遂建看經院。觀音殿。為上天竺。宋咸平祥符間。帝以旱澇。祈之隨應。於是列朝相仍。凡雨暘不時。輒迎禱。立見響答。我

聖祖仁皇帝南巡。五幸靈山。

頒帑重修。辛丑春。山房不戒於火。是物悉付灰燼。惟大士像。

暨

御書。歸然無恙。非神靈呵護。曷克至此。旋奉

勅造。莊嚴如故。按向之住持。伯亭德水。皆雲棲蓮池法派也。

近以雲棲僧主之。亦教觀源流有所承接耳。

天竺澗木雕係觀音之靈。宋時奉為重寶。故金元

木攜之北去。彌加崇敬。後仍歸寺。見類函。今雨暘

偶愆。輒迎奉入城。有禱必應。靈亦昭昭矣。

列聖飭修殿宇。福佑浙民。公為之行其法。派傳於無窮。燈

焰自宜永熾不替。書院受業。聞人儒敬識。

雲居寺

雲居寺在城西一角。即城內山。所稱雲居者是。舊名

聖水寺其先唐高僧中峰駐錫於此岡巒怪石錯出
林木間寺樓寮宇逶迤曲折隱見雲表俯瞰湖南諸
峰排闥入几席趙松雪董文敏碑記石榻甚多近猶
寶之惜山門佛殿悉屬圯毀然有古蹟可尋者八曰
東嶺翠濤西山晴雪古堞秋雲長廊夜月聖水寒雲
塲基松藥一滴泉三台石又有朝陽洞疊秀亭諸勝
其山背多植古楓曰楓嶺每值深秋紅樹碧山掩映
如畫舊為都閫衙門之案形家以木落如戟甚利於
武今為文宗校士館而文明尤盛殆紅葉若錦繡霞
標亦大塊文章之徵乎至郡志載元至大間沙門指
月浚智井得石佛三名三佛泉號聖水或未詳考之
誤

淨慈寺

淨慈寺在南屏山舊名慧日峰負岡面湖松雲羃歷
占城西之最勝創始周顯德中為慧日永明院僧道
潛居之吳越錢氏感夢得塔下金銅十六羅漢始築
羅漢殿宋太宗改壽寧禪院南渡寺燬後復興改今
名明時燬者再而葺者彌擴焉有永明室圓照樓叢

玉軒一湖軒並廢。惟鐵鍋重數百觔。欸識梁貞明二年鑄。不識所從來。蓋舊物也。永明壽禪師著宗鏡錄。遂建宗鏡堂。因旱鑿井。得靈鰻。有靈鰻井。其舊址皆不可考。若南庫樓。選佛場。千佛閣。觀音殿。皆後起也。今亦燬。止世傳濟顛僧之運木井。放生池。迄今猶存。寺之鐘樓。為十景之一。曰南屏晚鐘。雷峰塔屹然相向。上有景亭。曰雷峰西照。與晚鐘亭相上下。亭俯萬工池。鑿以禳火也。池內有少鱗之魚。無尻之螺。傳濟顛蹟云。我

聖祖仁皇帝南巡幸其寺

御書額。賜金剛經一卷。并

御製重修碑記。泐石永峙。

宸翰昭垂。遂為瀕湖梵刹之冠。雍正十二年。又奉

世宗憲皇帝勅修。并葺永明塔院。今漸頽圯。因寺留

列聖翰蹟。宜加崇敬。於乾隆九年。奉

旨興修復。移羅漢堂於東首。增築西照閣及碑亭。

賜撰碑記。備闡永明初為華亭鎮。棄官學佛。持頭陀行。後

習定天台事甚詳。贊揚妙典。繼述前徽。俾後之釋子

知所津逮更仰見我

皇上尊

祖敬。宗孝思不匱所在謹載筆而恭紀之。

世宗憲

哀憐

嗚鑾

嗚書

望

昭慶寺者禪家之律門也其法以開堂設戒為事留青日札云每年三月開戒壇為天下僧人受戒之所名曰萬善戒壇寺建始於錢氏舊名菩提宋天禧初有圓淨法師學廬山慧遠結蓮社搢紳耆舊與會者

日盛元末寺燬明洪武間重建而後之不戒於火者亦屢矣有綠野堂白蓮院碧玉軒四觀亭藏經閣觀音井卧牛石放生池皆泯沒不可考此時惟以刷印經文及市念珠木魚為業所業木套雨傘之堅緻尤所擅名

宗

國朝順治間重建康熙四十二年正殿燬五十二年復

建近之可怪者每於中元夜集鄉鎮老少婦女動以萬計擁坐於殿廡階砌及山門橋石無一罅可間之地自暮達旦名曰宿山保祈福佑而僧且詭言必如

是乃轉男身以致敗行之端乘機竊發余抵浙廉訪得實飭有司曉諭嚴禁以絕其風庶幾翻然改悔知所戒止焉

理安寺

理安寺在九溪十八澗志載古涌泉院寺有法雨泉從巖下滴瀝如雨流為清池可鑑毛髮遂易名法雨宋理宗時改理安左瞰澄湖右介高嶺山深而木茂泉甘而石峻松篁萬樹環戶皆陰繞檻溪流宮商不絕

國朝康熙五十三年

聖祖仁皇帝發帑重建置齋田并賜寶物供器

御書石磬正音匾額

勅僧性音住持凡構以雲軒皮以飛閣岡迴路複若垂虹繪采於林岫之間烟霏霞氣朝暮異形不可名狀余甲子春課農得憩其地汲泉瀹茗聆縹緲之鐘魚殊足以延清挹爽

雲棲寺

五雲山南山之邃谷也。循山麓而西有塢焉，曰雲棲。以白雲棲擁不散，故名。或謂有五色雲盤旋山頂，忽而飛集西塢，故又曰雲西。在宋初，僧志逢闢蘭若，逢有道行，馴猛虎，號伏虎禪師。吳越王錢氏為之建寺。天禧中，降勅賜真濟院。迨後，夷為藁莽，虎傷毒人行迹罕至。隆慶間，仁和沈氏子號蓮池者，中興之。宏闡宗風，自創一門。其地曲徑幽林，蒼翠合沓，東岡而上，有壁觀峯。峯下出泉，名青龍泉。迤邐下中峰之傍，復出一泉，名聖義泉。又下至西岡之麓，復出一泉，名金

液泉。筓引涓涓，旱不為竭。其規制外無崇門，中無大殿。惟禪堂處僧法堂，開講其餘，誅茆縛竹為放生為寮舍而已。其宗旨專以靜修，晝夜六時持名念佛，不募緣，不種植，以四方水陸道場經識自給，所獲粒米同餐，毋得自私。所詣僧必四十以外，盟而後進。三年而後披剃，皆以蓮池為師。故主院僧亦與眾同為兄弟行也。冬專坐禪，餘兼講誦，日有程，月有稽，歲有表。使昏惰者不得參乎其中，其來遊者必進果榼蔬食，以五為則。自天子以至於庶人，無或異也。有投宿者

垂相後
望歸二

望歸二
望歸二

止三日逾期則勿留叢林法度之妙當以雲棲為第一昔

聖祖仁皇帝翠華臨幸曾登山觀玩竹林往放生所

垂睇所蓄飛走俱備載本寺志今洗心亭念佛珠及塔院放生所尚克守蓮池一燈續焰長明余每於查勘江塘得憩其地寺僧獻茶之頃詢悉其緣起如此

六和塔

六和塔在錢塘江口崖上宋智覺禪師即錢氏南果園建塔以鎮江潮後改開化寺塔高九級長五十餘

丈或云內藏舍利故夜放光明宋時燬廢重建明又燬於兵重修者再遂成七級迨

國朝雍正間為海風吹倒寺亦旋圯因奉

旨發帑項重建經始十三年八月越乾隆之二年十二月告

竣時乏大木以任中柱適有大賈於海南得奇木詣乍浦羣驚得未曾有以塔丈尺度之却中繩墨共嘆有神助余歷勘江塘憩寺間恭讀

御製碑文茲塔自有宋以來屢燬屢建燬則有驚浪之虞

建則有安瀾之慶誠仰見我

皇上如天好生子。惠元元之意。以江潮之患。不可一日不防。有如此。今繕舊建新。不特塔之規制壯麗。氣象雄傑。而寺亦緣岡。磴城列磴。修道雲栴。霞拱上出。層霄且塔燈照耀。凡海航夜行。多賴此為指南。洵利涉庇萬世之生民。而益中林。庶育大賈。共安南。縣。青木。天章表江山之永峙也。辛八月。民。並。二。二。二。二。

杭郡舊有嘉澤龍王堂。廣陵侯潮神廟。及水仙王祠。今皆圯燬。雍正五年八月十三日。接准內閣大學士

寄扎面奉

上諭。龍神散布霖雨。福國佑民。功用顯著。朕在京中。虔設各省龍神像位。為各省祈禱。今思龍神專司各省雨澤。地方守土大臣。理應虔誠供奉。朕特造各省龍神大小二像。可著該省督撫。迎請供奉本地。虔誠展祀。爾等可寄信前往。欽此。隨遣官迎到龍神大小二像。

勅賜福越滋農龍王之神。選擇吉方。潔淨之處。於吳山大觀臺左側。建設殿宇。莊嚴朱甍。碧檻廊廡。悉備繚垣。磴級間蒔花木。後復建亭。設風雲雷雨牌。以配祀焉。凡

歲時朔望春秋二祭巡撫率文武官瞻拜展敬虔奉。每遇旱潦祈禱無不響應近且酌其香火囑道士朝夕灑掃迴異常祀以此獲享雨暘時若仰見至聖之惠愛浙民無所不及且邇年以來潮汐安瀾河海清晏神之效靈亦昭昭矣。

海神廟

海寧地處海濱城當潮汐之衝晝夜衝刷全賴石塘堵禦康熙五十四年潮水直逼塘根四民為患仰蒙聖祖仁皇帝勅諭條議修築以資保固旋慶安瀾於五十九

年建海神廟於尖山之麓

御賜協順靈川匾額此海神廟之創始也嗣於雍正二年海

塘衝決

世宗憲皇帝特命大臣察勘發帑興築捍衛有防復於七年發銀十萬兩在海寧城內建造海神廟宇以崇報享一時度地鳩工員弁雲集於雍正八年三月開工至九年十一月工竣制度恢宏規模壯麗繪圖以進以

仰副

皇上愛養黎元報答神貺之至意奉

上諭山川嶽瀆之神有功德於生民能為禦災捍患者皆載在祀典蓋所以薦歆格崇德報功也是以前撫臣將各神應祀者塑像於廟中邇年以來修築既成海波不揚民生樂業是海神默佑之功惠我烝民者甚盛隨蒙

欽賜碑文

御書福寧昭泰四字恭泐碑亭敬懸匾額

宸章璀璨遠近人民奔走瞻仰莫不恪恭凜惕值查勘塘工

詣廟展拜其正殿虔供

欽定寧民顯佑浙海之神左右配享者二人為唐誠應武肅

王錢鏐吳英衛公伍員東廡列祀者八人為越上大

夫文種宋周宣靈王雄唐潮王石瑰宋護國宏佑公

朱彛元平浪侯晏戍仔宋廣陵侯陸圭晉橫山公周

凱明茶槽土地陳旭西廡列祀者八人為漢忠烈公

霍光宋靜安公張夏唐昇平將軍胡暹梁平浪侯捲

簾使者曹大將軍春宋轉運使判官黃恕元護國祐

民永固土地彭文驥烏守忠雖時代爵位各不相侔

其所以有功於社稷江海為生靈保障者固千古不

朽也正殿之左為天后宮祀天后後樓配以曹娥孝

女純懿等四夫人正殿之右為水仙閣祀雲水仙靈。雕甍綺栱迴漢凌霄各標朱而絢彩加以引水疏池。蒔花疊石極一時之盛每瞻拜之下徘徊遊憩殊令人有海不揚波之慶也。

陸宣公祠

孤山之陽有陸忠宣公祠。規制極宏敞。明御史謝廷傑就祠宇改祀漢嚴光以下先賢。額之曰西湖書院。而宣公專祠廢。天啓詔毀書院。惟陸氏祠仍着行改正。而宣公專祠復此亦有數存乎其間也。

國朝崇祀前賢奉

命屢次興修。惟宣公之忠直靈爽式憑。固有不能泯沒者。

今堂宇整飭。廟貌端嚴。敬謁之下。猶令人欽仰無已。按公舊宅在嘉禾。聚族者以千計。公之祠隨地而設。其在浙專祠有三。一在本籍之平湖縣。有義田一千四百餘畝。一在嘉郡。一在西湖。其省郡二祠修葺從前詳報於義田租息內。動用忠直之獲享如此。又西湖祠後石壁鑄孤山二大字。係東坡書。此誠古蹟。因卧荆棘間。無一知者。志竟不載。恐千百年後以不知。

或毀焉故特附記之

新建四賢祠

四賢祠舊在孤山放鶴亭祀唐李泌白居易宋林逋蘇軾為四賢蓋以三賢皆有功於湖而和靖一賢隱於此所謂立德立功立言四賢有焉余癸亥春來浙謁祠見庭廡湫隘蕪穢不治丹青剥落不蔽風雨更可怪者雜祀名宦并各文宗生牌夫以諸賢瀟曠之才已不能與眾俱況側之以入山猶恐未深之懷日對冠裳鷓侶為進退得毋非倫乎特度地選材於麴院之東更建新祠而以舊祠為和靖地新祠隣崇文書院蒔花壘石闢水池肖四賢之像於樓另有碑記泐諸壁

此極勝之舉自當與山川共永

陸成岑敬評

敷文書院

敷文書院舊萬松書院也或曰即南宋敷文閣遺址云在鳳凰山西嶺與城雉相隈山陂陀層級而上左江右湖如在襟帶舊志有萬松林立今亦稀少惟桃李梅杏竹梧檉桂之屬尚繁蔭可愛中多怪石特立

爭。寧。如。龍。蟠。虎。踞。象。卧。獅。蹲。不。可。名。狀。明。宏。治。間。叅。政。周。木。建。院。祀。孔。子。以。孔。氏。主。之。號。孔。家。山。明。王。文。成。公。有。記。其。南。則。芙。蓉。巖。可。汲。亭。石。匣。泉。稍。西。則。水。雲。亭。振。衣。亭。飛。躍。軒。留。月。臺。東。則。掬。湖。臺。毓。秀。閣。如。圭。峰。中。有。明。道。堂。右。居。仁。齋。左。由。義。齋。又。有。顏。樂。曾。唯。二。亭。歲。久。盡。廢。不。可。復。識。

國朝康熙十年巡撫范承謨重建繼巡撫張鵬翮復整之至五十五年巡撫徐元夢奉

聖祖仁皇帝御書浙水敷文四字敬懸中堂并勒貞石此敷

文書院所由名也後有正誼堂存誠閣透迤而西有亭翼然曰玩心高明亭之前有軒曰表裏洞然軒之前有亭曰載道曰與灝氣俱今惟正誼堂及左右館舍僅存餘悉圯無存因於甲子歲鳩庀建魁星閣並稍復其亭臺舊址而館舍亦增至七十餘楹諸生肄業藏修藉有湖山歷覽足暢胸臆而文思益進肄業者恒至數百是科獲雋者三十九人形家以整葺巨麗故致神效然亦未可遽信乙丑增

御書碑一道立於魁星閣前為多士楷模因書其緣起如

此

詳瞻而不危 魯啓人

表忠觀碑

錢塘湧金門外舊問水亭南有旌功坊即宋熙寧趙清獻奏祀吳越國王錢氏祠蘇子瞻表忠觀碑猶峙焉按錢氏為鎮東鎮海節度使故使浙者恒有所仰慕葺其宇俎豆迄今不替有謂子瞻文用清獻奏不加損類諸侯王年表不知其氣純是西京出於性靈蓋有是德斯有是文庶幾昭炳千古至書法適逸神采煥發越今七百餘歲矣而風雨不滅搨者轉盛非王之忠孝靈佑呵護所及曷克至此吾每撫此碑獨於人臣効忠乘機進退之際有感焉

唐睢陽太守許遠墓

墓在海寧東北楊園村遠係右相敬宗曾孫太子中舍彥伯子守睢陽死忠錫葬表墓乾道二年賜祠額

惠忠烈祠在新城縣西二里塔山迄今歲祀其

于玫瑰葬天竺莊雞籠墩

唐太師顏真卿墓

葬於偃師其苗裔在寧者衣冠招魂葬之墓在
平東十五里陽慶湖畔真卿謚文忠建祠於縣之
坊北寺巷祔以常山太守杲卿號曰雙仁祠

唐司勳員外杜牧墓

咸淳臨安志載杜牧墓在南山之東夢梁錄載墓與
佛日山夾境名杜牧塢按杜牧自撰墓銘終於安仁
里葬於少陵司馬村先塋是墓在西京矣所傳杜牧
塢疑其出牧睦州及為湖州刺史時或至其地遂以
名塢抑果葬於是耶

唐江東先生羅隱墓

隱字昭諫居新城梅根浦工詩賦屢舉進士不第僖
宗光啓中吳越王錢鏐辟為從事開平中魏博節度
使羅紹威表為給事中年八十餘卒葬於錢塘定山
鄉之居山里有甲子集十卷行世子塞翁為鎮海節
度推官詔立祠於新城縣南舒嘯亭迄今歲祀

吳越國錢武肅王鏐墓

鏐字具美臨安人有智畧象章術者望錢塘王
渡江求之見王驚曰此其人矣破黃巢討劉漢

董昌封吳越王卒謚武肅詔工部侍郎楊彪式
碑文廣順元年春正月以王禮葬衣錦鄉茅山之
六子文穆王元瓘葬龍山之南原按表忠觀碑載
錢氏墓在錢塘者二十有六在臨安者十有一今皆
不可考

宋和靖處士林逋墓

初逋客臨江李諮始舉進士逋謂人曰此公輔之器
後逋結廬孤山築巢居閣以梅鶴自怡不仕會逋卒
適諮知杭州為製總麻服與其門人哭而葬之刻

臨終詩納之壙中咸淳四年金華王庭書石曰和靖
先生墓迄今荒蕪元至元間儒學提舉余謙復修葺
之

宋忠武鄂王岳飛墓


在西湖棲霞嶺下王之子雲旁附焉初王潛瘞九曲
叢祠孝宗時改葬此地迄今墓才皆南向明景泰間
八馬偉修葺取檜柝幹為二植墓前名分屍檜正
八年都指揮 范銅為檜及檜妻王氏万俟卨
像反接跪墓前嘉靖十四年巡按御史張景刻精

報國四大字於石屏樹墓之南其東偏即為王廟
貌英氣如生。小土者時為整葺。有後裔守祠。皆不
六附墓室宇山地。皆稱曰岳家山。

明忠肅于謙墓

西湖三台山麓。俗稱小麥嶺。有于忠肅公祠及墓。其
墓道坊在定香橋。明英宗北狩時。公為兵部尚書。內
固京師。外籌邊鎮。條畫悉中機宜。後為徐有貞。石亨
等所誣。坐棄市。成化元年。詔復其官。遣行人諭祭。文
有當國家之多難。保社稷以無虞。惟公道以自持。
權奸之所害。在先帝已知其枉。而朕心實憐其必死。
宏治三年。贈太傅。謚忠愍。萬歷中。更謚忠肅。建祠墓
側。曰旌功。

卷二十一 杭州府



杭州府志

